

اداره مخصوصه

درسعادتده ياب عالی جادهسندھ

محل اداره :

مُشَارَقَاتُ

اخطار :

مسلكنزه موافق آثار جديده مع المنوئيه

قبول اولنور

درج ابدلہ بن آثار اعادہ اولنار

دين ، فلسفه ، ادبيات ، حقوق و علوم دن باحث هفتهلق رساله در

مؤسساى : ابوالعلا زين العابدين - ح . اشرف اديب

درسعادتده نسخہسى ۵۰ پاره در

سنه لکى

التى آيلنى

تاريخ تأسيسى

۱۰ تموز ۳۲۴

۶۰

۸۰

۸۰

درسعادتده

ولاياتده

ممالك اجنبیهده

قبراه دن مقوا بورو ايله کوندريليرسه سنوى

۲۰ غروش فضله آلنير

درسعادتده پوسته ايله کوندريليرسه ولايات بدلى اخدا اولنور

ايکنجى جلد

۱۲ رجب ۳۲۷ پنجشنبه ۱۶ تموز ۳۲۵

عدد : ۴۷

صالح ایشله مش اولان مؤمنلره مائل طوته جیم . یعنی بویله صالحی مؤمیننه اوله جق معاملاقی بونلرده می یابیم ؟ ... معامله کریمانه ربانیه بونلرده می تشمیل اولنه جق ظن ایدرلر ؟ هیچ بروقت مساوی طوتمام . سیئات ارتکاب ایدنلر صالحات اعماله مواظب اولانلره مائل اوله مازلر ، فقط او یله ظن ایدرلر .

(سواء بحیاهم ومماتهم) نه اولدینی حلاله اومعامله بی یا بملغمی ظن ایدیورلر ؟

(سواء بحیاهم ومماتهم) (سواء) « مستویاً » دیمک . حالت اوزره منصوب . لکن ذوالحال اولوریا ، ذوالحال تعدد ایدر . (ضربت زیداً را کباً) کی . بوراده نه بو معناه جدر . چونکه ایکسینده ضمیم وار . مکرم حسنات ، کرم سیئات ایشله ینلر . اوحالده حالتده اشتراک ایتش اولورلر . حاصل معنی نه اولور ؟ بویله ظن ایدیورلر می بتون بی آدم : حسنانی ، سیئانی ایشله ینلر هبسی براوله جق ؟ نه حیاتلری مساوی در ؛ نه عاتلری . مؤمنلرک ، بالخاصه صالحی مؤمینک حیات دنیویله ده کافرلرک کنه بکزه مر . مؤمنلرک دنیاده کی حیاتینه راحت وسعاده مقارن در . زیرا قلبنده غل وغش یوق . اللهه اعتمادی چوق . دائماً کوکلی مطمئن ، قلبی مستریج . نعمت کلیرسه شکر ، بلا کلیرسه صبر ایدر . هیچ بروقت حیاتندن بیقماز . ربنه کوسمیز . مؤمن موحد هر شیئی اللهدن بیلیر . مکافاتنی بکلمر . باشنه برشدت کلیرسه : — نه کناهمه کفارتدر ، بونم جزای عملدر ... دیر . متسلی اولور .

اما اعتقادی اولماز ، نعمت کلنججه آزدقجه آزار : — بن استحقاقم ابله نائل اولدم ... دیر . طغیان ایدر . آزار . طویماز . بتون دنیایه مالک اولسه قناعت ایتیز . ای می ؟ راحت می ؟ حرص ایله ، امل ایله ، کیجه کوندوز دیدیمکه راحت اولور می انسان ؟ کوکلده قناعت اولماز ، (نحن قسمنا ...) سرینه مظهر اولمازده (لتجدن اشد الناس عداوة للذين ...) حرص ایله ، دائماً اوغراشمه ایله ، بونی غایه امل ایدیمکه ، حیات دنیویله مقصد اقضا بیلیمکه انسان اصلاً راحت یوزی کوره مر .

اما مؤمن بیلیرکه بو عالمده مسافردر . نه قازانیرسه کاردر . اصل مقصدی سعادت اخرویدر . اونک ایچون نعمته شکر ، بلایه صبر ایدر . بوجهته دائماً مکافات کورور . کوکلی ده خوشدر . ذکر الله ایله قلبی مطمئن در .

بونک ایچون مؤمنک حیاتی سعادت اولدینی کی ، مماتی ده بالکلیه سعادت در . منکر ایسه دنیاده ضلال ایچنده خائب وخاسر اولدینی کی ، حیات دنیویله سی نهایت بولدقون صوکراده عذاب اشد ایله معذب اولور .

انک ایچون حضرت پیغمبر برکون اصحاب صفیه او یله خطاب ایتدی ... اصحاب صفه که اونلر دائماً غزایه کیدرلر . دونجه مسجد

کوزلری . قولقلری ، دیللری اولقله برابر بونلر صاغر ، کور ، دیلسزدلر . یعنی حواس سلیمه لرندن استفاده ایده میورلر . آفتزده برشدن فصل استفاده اولنور ؟ ممکن می ؟ آرتق اودرکه بهیمیه دوشمش . یالکیز احتراصات نفسانییه قایلیمش . مجرد محسوسات عالنده پویان اولبور . فکرینی یالکیز کندی هوساتنه تخصیص ایتش . هوای نفسانییه ایجه باغلامش . حق وحقیقت نه در ، طانیماز . نه ایله اکلیرسه کوکلی یالکیز اونی بیلیر ، یالکیز اونکله اوغراشیر . ایشته ضلالت ، خذلان بودر . « نور بصیرتک سونمی » بوندن تعیردر .

(وهدی ورحمة) قرآن کریم هدایتدر ، رحمت عظیمه در . کیملره ؟ (لقوم یوقنون) طالب یقین اولانلره . یوقسه کندینی وهمیاته قایدیرمش . دوشونه جک استعداد بیله قلامش ، اول درجه قبی قارارمش ، فکری باطل ایله الفت ایتش که حق وحقیقت نه در ، دوشونمک ایسته میور . شکوک وشبهات ایچنده قالمش . (فی قلوبهم مرض فزادهم الله مرضاً) اوعلت کیرمش ، قلبی یه مش . استعداد فطریسی کیتمش . بویله کیملره قرآن نه یاپار ؟ .. کندک طالب یقین اوله جقسک . قرآنی دیکلدکجه ایمانک قوت بوله جق . اساساً ایمان اولمازسه نه یاپسون قرآن ؟ .. هرشیده اساس عقلدر . عقلنی صرف ایتیزسه یالکیز دیکله مکله شقایب اوله ماز . (وتنزل من القرآن ما هو شفاء ورحمة للمؤمنین ولا یزید الظالمین الا خساراً) ظالملر قرآنی دیکلدکجه خسارلری آرتار ، ضررلری چوغالیر . یعنی اونی ده انکار ایدر . کفری تضاعف ایتدکجه ایدر . بدرجه یه کلیرکه قابل تدای اوله ماز . اما مؤمنلره شفا در . اساساً بیلیر ، اه وپیغمبره ایمانی وار . قرآنک دلالتی ایشته دیکله ، براهین جلیله سنه صرف ذهن ایتدکجه عقیده سی تأید ، قبی تنور ایدر . نور ایمان آرتدقجه آرتار .

شیمدی نه میورور ؟ (ام حسب الذین اجترحوا السيئات ان نجعلهم کالذین امنوا و عملوا الصالحات) « أم ، کله سی ، معلوم ، بوراده أم منقطعه در . استفهام معناسنی متضمندر . « بل » ده برکلامدن دیگر کلامه انتقال ایچون در . تضمن ایتدیکی استفهام انکاری . (ام حسبتم ان تدخلوا الجنة) کی . اما انکار واقع دیمکدر . بیلیرسکیز ، بلاغتجه استفهام انکاری ایکی درلودر : یاوقوعی انکار . بویله می در ؟ یعنی دکلدر . یاخود واقعی انکار . یعنی بواش بویله می اولسون ؟ بونک بویله اولمی لایقمیدر ؟ (أتعصی ربك؟) سن ربکه عاصی می اوله جقسک ؟ یعنی عصیان روامی ، لایقی ؟ ایشته بوراسی ده بویله در . (ام حسب الذین اجترحوا السيئات) دائماً سیئانی کسب ایدنلر ، کفر ومعصیت ایچنده قالمش ، انواع ضلالتله گرفتار اولمش بولونانلر ظن ایدیورلر می که ، یعنی بو ظنلری صحیح اوله بیلیر می ، بویله ظن اولنور می ؟ بو ظن باطلدر .

کیجه کوندوز سیئات ارتکاب ایدرلر ، بونکله برابر ینسه ظن ایدرلر ، (ان نجعلهم کالذین آمنوا و عملوا الصالحات) امید ایدرلر ، ظن ایدرلر که بن عظیم الشان اولنلری هم ایمان ایتش ، هم ده عمل

خایر ، خایر . بریکبارک حیاتی سفیلاندر . بیک درلو اضطراب ایله ، هوا و هوس ایله مالامالدر . حیاتی بویه اولدینی کبی ، ماتلری ده خسران اندر خسران . خسران ایدی ، هلاک سرمدی .

(ساء مایحکمون) بویه ظن ایدرلر ؛ عادتاً بویه اعتقاد ایدیورلر : « صانکه اونلر نه ، بز نه ؟ اونلر ده اولور ، بزده » حالبوکه اصل حیات اولومدن سوکرادر . اصل انسان او حیاتی حیات بیهلرک . اصل سعادت اوره کورمه چالیشملی . جسم قادر ، بقاسی یوق . روح ایسه باقی در ، فنا پذیر اولماز . قالب چورور ، بدن طوپراق اولور ، باشقه عناصره منقاب اولور . فقط روح باقی در . الله ، اسکی بدنله اونی برلشدیره چک . عملنه کوره مکافات ، مجازات ایده چک . حیات ده ، ممات ده اوراده . سعادت اوره تأمین ایتلی . ایشته بونلر ظن ایدیورلر که هرکس کندیلری کبی ذلتله یشار ، سوکرا محو اولور ، بیتر . یاخود او یله فرض ایدیورلر ، تخمین ایدیورلر :

هایدی دیلم که آخرت اولسون . لکن البت بز آخرتده ده بالاترین اوله جغز . جتتارک باش تپهلرنده بولنه جغز .

— نیچون ؟

— باقسه آ ، دنیاده نلره نائل اولمشز !!

(وما نحن اکثر اموالاً واولاداً)

باق حیییم ، کافرلر ، نه دیورلر : — مالز چوق ، اولادمنز چوق . اللهک نه قدر مقبول قوللری یز . بز نلر ویرمش . اموالز چوق ، اولادمنز کثیر . ارتق بز معذب اولورمی یز ؟ دنیاده بوقدر نعمتله مظهر اولمشکن آخرتده نلر خسرانده قالهلم ؟ مادام دنیاده طالعی قوللری یز ، جهنمهده کیرسهک کوزل ، سرین بریرده بولونه جغز . شانسز بویه قوتلی ...

یا بو دیمکدر ، که بعضاً تصریح ایدرلر . فقط کلام نه یهده مساعددر ؛ دیرلر که : — بزم مالز چوق ، اولادمنز طوپ یقماز . هانکی ملائکه کلیر ؟ هانکی زبانی قارشی طوره بیلیر ؟

باخصوص که شو آتی ایشیدیلر : (علیها تسعة عشر) جهنم اوزرینه موکل اون طقوز ملک وار . بونی ایشیدنجه نه ایدی او قوتلی برهلوان ، او یله دیدی :

— نه قورقورسکز ؟ اون طقوز ملک ایش . اون دانه سنی بن یاقه لارم . سزده ارتق یوز کیشی ، بیک کیشی طقوز دانه سنک حقندن کله مز میسکز ؟

بویه اکندیلر ، (وما جعلنا اصحاب النار ...)

سوکرا بو آیت جلیله نازل اولدی . (علیها تسعة عشر) دینجه :

— نه در بونلر ؟ دیدیلر . اون طقوز کشینک نه حکمی وار ؛

قرار کچیریز . دنیاده فصل کیمسه بز غلبه ایده میوز ، آخرتده ده او یله . سوکرا الله جواب ویردی :

ده یتارلر . قشله لری ، عبادتخانه لری هپ اوراسی . لوچبوز کیشی قدردی بونلر . ایشلری کوجلری غزا ایله عبادت . اما او یله تنبل درویشلر کبی دکل . بونلر دائماً مجاهده ایچنده ، کرک نفس ایله ، کرک دشمن ایله دائماً نیچه لشیورلر .

آلیش ویریش ، اکین ، تجارت ... او یله شیلر یوق . دائماً عبادتله مشغول . غزایه کیدرسده عبادت ، دوزرسده ینه عبادت . (رجمنان الجهاد الاصفهالی الجهاد الاکبر) جهاد ایله غزایه کیدر ، اعدا ایله اوغراشیر ؛ مسجده کلیر ، نفسیه نیچه لشیور . خالص مخلص مؤمنلر مجاهده دن خالی اولمازلر . نفسمز ال بیوک دشمن در . اونه کی جهاد کوجک جهاددر . اونک ایچون بر غزادن دونوشده — سلطان انبیا او یله بیورمشدی :

— شیمدی کوجک غزادن بیوک غزایه کلدیکز !!

اصل نفس نری دائماً شره سوق ایدر . انس و جن شیطانلری وار . یالکیز کوزه کورونملری خاطره کتیرمه . کورونملری ده مضر در . نیچه منافقملر وار . دائماً بز دشمنلک ایدر . کیمی اعتقاد مزی بوزمغه چالیشیر :

— شونی ایسته یک ، بونی ایسته یک !! دیر . هم دنیا مزی محو ایدرلر ، هم آخرت مزی . جهاد دن خالی دکلر . کوزه کورونن دشمنلر : « محاربه ایسترم » دیور . سنده کیدرسک . ایشنه کلیرسه محاربه ایدرسک . نه قدر سوررسه سورسون ، ینه موقت برزماندر . اون سنه ، یکر می سنه ، هر نه ایسه ینه برنهایتی وار . اما ایچمزه کی محاربه لر ، اعدای باطنه ، نفسله ، شیطانه مجاهده ، او دائمی در . اونک ایچون حضرت پیغمبر افندمنز اوکا « بیوک جهاد » دیور . شیمدی ایشته اصحاب کزین افندیلمزدن بویه برجاعت واردی . ایشی کوجی یالکیز جهاد ایدی . بونلره خطاباً ایشته حضرت رسول اکرم بیورمشدر :

— اصل یشامق سزک یشامه کزدر ...

غبطه ایدردی . امتی ترغیب ایدر . کوکلرنده غل و غش یوق ، کبر یوق ، حسد یوق . دینه خدمت ، ملته خدمت ... بتون املاری بو . دینی نشر ایتک ، دشمنه قارشی مدافعه ایتک ، حقوق اسلامیه یی محافظه ایلیمک ، سلطان انبیانک یولنه قربان اولمق ... بوندن بیوک حیات می اولور ؟ کوکلری راحت . چونکه امنیه لری مشروع .

— حیات سزک حیاتکیز . مماتده سزک مماتکیز !!

اگر او یله یشایه بیلیرسهک دنیا و آخرتک معمورددر . کوکلنده حرص و حسد اولماسون ، فنا اعتقادلر بولونماسون . (فلنجینه حیوة طیه) آیت کریمه سنک مصداق عالیه سنی کلاسهک ایشته حیات او . بونک مماتی ده او یله اولور . (یحیی سعیداً ، یموت سعیداً) .

انک ایچون رب العالمین بیورور : بوسیثاتی ارتکاب ایدن حریفلر ظن ایدرلری که بن اونلری صلحای مؤمنینه مساوی طوته جیم ؟

اونلری بن ملک یاشمش. اما بچون ۱۹ در؟ اوده برقته در. دوشونملی، عبرت آلمی. هرشیدن آگاه اوله مازسکنز شاشقینلر!
بومغایه ده احتمال وار. «بزه زوال یوق» دیه تصریح ایتیمورلر.
— (مالکم من زوال) یمین ایدردیکزکه: «بزه زوال یوق»
اللهک سطوتنه ایمانیکز یوقدی. «هیچ زوال یوق بزه» دیر.
دیگیز. اوقدر امللر اوزاتمش سکنز. اوقدر کندی منافعه کزی تأمین
چالیشمش سکنز.


ایشته بویله قوتلی حریفلر. قوتلرینه کووه نمشار. حالبوکه نه
عبرتلر کوستریورالله. بونجه اصحاب جاء دنیا به طایمشلر. الله عافیت
جهله سنی آلت اونست ایتمش. تاج و تختی باشنه کچیرمش. بوزمانلرده
ده نه عبرتلر کوریوروز. کندینه مغرور اولانلر نه کی فلاکتلره
دوشدی، نه درلو کردابلره یووارلاندی، یقیناً کوردک.

ایشته مشرکلرده اویله دیدیلر: (ومانحن اکثر اموالاً و اولاداً)
مال دیرسهک مال، بتون دنیانک مالی بزم. ثروت و سامان صاحبی
اولمشلر. قاصه لر طولوسی آلتون. کاروانلر طولوسی امتعه. اولاد
و انصاب... اوقدر چوق که عقللر حیرت ایدر. بتون خاقی
بربرینه گرفت ایتدیلر. دین علیه افترا ایدرلردی. لکن نه یاپه.
بیلدیلر؟ حضرت

کبرتدی. بدر غزاسنده اوچیوز مسلمانانه قارشی طورمدیلر. بدر
غزاسی کافرلرک کوزینی چوق بیلدیرمشدی. ایشته بویله سرنکون
اولدیلر. قارشی طورمدیلر؟ بونلردن عبرت آلمیان منافقلر
مغروک اولورلر. کیکی قوتنه، کیکی ثروتنه. حالبوکه هباء مشورا.
نه قوتدن، نه ثروتدن هیچ نام و نشان قالمادی.

(ساء مایحکمون) بودر ایشته. بونلر نه فنا حکم ایدرلر نه
شاشقینجه اعتقاده بولورلر. مغرور اولورلر. بنم سطوته قارشی
طورمق امیدینه دوشورلر. صاحبا ایله اشتیا مساوی طوتولماز.
سینات ایشیلنلر سرنکون اولور. صلاحی مؤمنین سلامت بولور.
حیاتی ده اونلرک سعادت، مماتی ده. اصل شایان غبطه اونلردر. الله
جهله مزه حسن عافیتلر احسان بیورسون، آمین.

۶۱ نجی درسک صوکی



اسماعیل بک غصبرنسکی حضرتلری

طرفدن قونفرانس

بوذات محترم قارئین کرامتجه مجهول دکلدرد. (مسلمانلر قونفرانسی) حقنده
مصرده ایراد بیوردینی نطق مهنی ۴۲ نجی نسخه مزین ایلیمش
ایدی بوندن ده اول ۴۰۳۹ نجی نومرولرده مندرج روسیه تورکار-
ینک حرکات فکریه سیاسی و اقتصادیه لرینه دائر قونفرانسنده بو محترم
و غیور ذاتک خدمات مبروره سی روسیه ده کی مسلمان قرداشلر مزک
حیات علمی و اقتصادیلری حقنده اولان تأثیراتی تصویر اولمش ایدی.

اوت بوذات محترم روسیه ده کی مسلمان قارداشلر مز درین بر خواب
غفلت و عطالتده اویودقلری برزمانده، یکریمی اوتوز سنه اول اورتیه
چیقدی. بتون روسیه مسلمانلرینک فکریلرینی حرکتیه کتیردی.
قریمده «ترجان» غزته سنی نشر ایله ایشه باشلا بهرق پک چوق مقاله لری
بالعموم مطبوعات اسلامیه ده پک بیوک برتائیر کوستردی. بوکون
اسلامیتک الکجری بلادنده بیله اسماعیل بک غصبرنسکی نامی معروفدر
بونجه سنه لردنبری ایشی کوچی مسلمانلرک ترقی و تعالی سنه حصر ایتمش
وخیل دن خیل یه ده موفق اولمشدر. ترکستانه، بخاریه، جزایره،
مصره کیدرک بتون عالم اسلامی یقیندن تدقیق ایتمشدر. مسلمانلرک
صفحات حیاتی حقنده بیوک بر وقوف و تجربه حاصل ایلیمشدر.
ایشته شمدی بومهم ذاتی ارامزده محیط مزده کورمکله بختیار بولنیوروز.
کچن کون کندیلرله ملاقات شرفته مظهر اولدق.

بوهفته ظرفنده تحصیل ابتدائینک شرق و غربده کی صفحات
تاریخیه سی و بونک حیات و معیشته اولان تأیری ایله ممالک عثمانیه ده
تطبیق و تعمیمی حقنده مهم بر قونفرانس ویره جکاردر. استانبولده
بولونان بتون قارئلر مزه شوفرستی فوت ایتیمه لرک بو محترم ذاتی دیکله مک
شتابان اولملرینی توصیه ایدرز. کونی. ساعتی ده آریجه یومی غزته
لرله اعلان ایدیلر جکدر.

بروغرام

۱ — زمان قدیمده [بابلیلر، مصریلر، رومالیلر، یونانیلارده]
مکتب تحصیل ابتدائی.

۲ — ازمنه متوسطه ده اوروپاده و ممالک اسلامیه ده تحصیل
ابتدائی.

۳ — زمان حاضرده اوروپاده تحصیل و مکاتب عمومیه.

۴ — تحصیل ابتدائی عمومینک ممالک عثمانیه نک احوالنه کوره
تطبیق و اجرایی.

۵ — تحصیل ابتدائینک تسهیلی — اصول تدریس — اصول
صوتیه و بواصولک روسیه مسلمانلری آراسنده تطبیق و بوسایه ده
اخراج اولونان موفقیات.

قونفرانسه احمد مدحت افندی حضرتلرینک اشتراک لری ده
مأمولدر.

استاد محترم مناسترلی اسماعیل حقی افندی حضرتلری ان شاء الله
یا این آیاصوفیه ده درس تقریر بیوره جقلردر.